

Lesona 2: Fefautuaai Faatasi

E mafai ona e a'oa'oina leni lesona i lona atoatoa pe vaevae i ni vaega pupuu. Fetuunai le lesona i ou tulaga o le lotoifale ma manaoga, tausaga, ma le malamalama'aga o le Au Peresitene o le korama po o le vasega.

E MAUA LE MALOSI MAI LE FEFAUTUAAI FAATASI.

O le ala a le Alii e taitaia ai Lana Ekalesia e ala i aufono (tagai [Mataupu Faavae ma Feagaiga 43:8–10](#)). O le fefautuaai faatasi e mafai ona fesoasoani ia i tatou ia lotogatasi o se au peresitene o le korama po o le vasega, e taitaia e le Agaga i le faia o filifiliga, ma e sili atu le aoga i le faiga o le galuega a le Alii. Pe faapefea ona fesoasoani le fefautuaai faatasi ia i tatou ia faia filifiliga sili atu?

O LE FEFAUTUAAI FAATASI E MAFAI ONA FESOASOANI IA I TATOU E MAUA AI FAAALIGA.

Na a'oa'o mai Elder Neil L. Andersen faapea "ua faasalalau mai faaaliga i totonu o i tatou" (i le ["Auxiliary Panels Use New Training Library," Ensign](#), Apr. 2011, 76). E faatagaina e le fefautuaai i tatou e ao mai lena faaaliga a'o tatou fuafuaina ma faataunuaina le galuega a le Alii. Ina ia faataitai leni manatu, e mafai ona e tuuina atu i tagata taitasi o le au peresitene ni nai fasi paso faigofie ma valaaulia i latou e galulue faatasi e faauma le paso.

- E faapefea ona faatatau leni faataitai i le fefautuaai o se au peresitene?
- Aisea e taua ai mo tagata uma ona saofagā i se aufono?
- O le a se mea e mafai ona tatou faia e fesoasoani ai ia lagona e tagata uma le fia auai?
- O a ni mea e mafai ona tatou faia e valaaulia ai ma faalogo i le Agaga Paia a'o tatou fefautuaai faatasi?

Mafaufau i se luitau po o se manaoga i lau korama po o le vasega. Faataitai le fefautuaai faatasi pe faapefea ona talanoaina.

PUNA'OA LAGOLAGO

- [Mataio 18:20](#)
- [Eteru 2:14–3:16](#)
- [Mataupu Faavae ma Feagaiga 88:122](#)
- [Mataupu Faavae ma Feagaiga 107:84–87](#)
- M. Russell Ballard, "Malosiaga i le Fefautuaai," *Liahona*, Ian. 1994,
- *Tusitaulima Aoa: Auauna Atu i Le Ekalesia a Iesu Keriso o le Au Paia o Aso e Gata Ai*, [10.4](#), [11.3.4](#), [ChurchofJesusChrist.org](#)